

Član 11.

(Objavljivanje podataka)

Ured utvrđuje koji podaci iz člana 5. ove odluke će biti javno objavljeni na web stranici Informacionog sistema Ureda i web stranici Ministarstva, pri čemu je Ured obavezan primjenjivati propise iz člana 10. stav (2) ove odluke.

Član 12.

(Osiguranje uslova za vođenje Registra)

Ministar privrede Kantona Sarajevo odgovoran je za osiguranje potrebnih kadrovskih i tehničkih uslova za unos podataka u Registar.

Član 13.

(Nadzor nad primjenom ove odluke)

- (1) Nadzor nad primjenom ove odluke vrši Ured.
- (2) Ured prilikom vršenja nadzora iz stava (1) ovog člana preduzima mjere iz svoje nadležnosti.

Član 14.

(Stupanje na snagu)

Ova odluka stupa na snagu danom objavljivanja u "Službenim novinama Kantona Sarajevo".

Broj 02-04-8271-1/21
10. marta 2021. godine
Sarajevo

Premijer
Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) člana 12. stav (1) Zakona o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo", broj 18/20 i 46/20), Vlada Kantona Sarajevo, na 11. sjednici održanoj 08.03.2021. godine, donijela je

ODLUKU

I

Daje se saglasnost za plaćanje polaganja stručnog ispita iz oblasti građevinarstva za državnog službenika zaposlenog u Zavodu za planiranje razvoja Kantona Sarajevo, na poziciji Stručnog saradnika za saobraćaj.

II

Sredstva potrebna za naknadu troškova stručnog ispita iznose 600,00 KM, a bit će isplaćena s budžetske pozicije razdjel 27. Zavod za planiranje razvoja Kantona Sarajevo, ekonomski kod 613900 Ugovorene i druge posebne usluge, pozicija 49.

III

Za realizaciju ove odluke zadužuje se Zavod za planiranje razvoja Kantona Sarajevo.

IV

Ova odluka stupa na snagu danom donošenja i objavit će se u "Službenim novinama Kantona Sarajevo".

Broj 02-04-6490-16/21
08. marta 2021. godine
Sarajevo

Premijer
Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 11. sjednici održanoj 08.03.2021. godine, donijela je

ODLUKU**O DAVANJU SAGLASNOSTI UPRAVNOM ODBORU
JAVNE USTANOVE "DJECA SARAJEVA" SARAJEVO
ZA UMANJENJE CIJENE BORAVKA DJECE U
VRTIĆU "TREŠNJICA" ZA MJESEC DECEMBAR
2020. GODINE**

I

Daje se saglasnost Upravnom odboru Javne ustanove "Djeca Sarajevo" Sarajevo za umanjene cijene boravka djece u vrtiću "Trešnjica" za mjesec decembar 2020. godine, u iznosu od 50% mjesečne naknade.

II

Za realizaciju ove Odluke zadužuju se Javna ustanova "Djeca Sarajevo" Sarajevo, Ministarstvo za odgoj i obrazovanje Kantona Sarajevo i Ministarstvo finansija Kantona Sarajevo, svako u okviru svoje nadležnosti.

III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-6490-9/21
08. marta 2021. godine
Sarajevo

Premijer
Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 8. Zakona o lijekovima ("Službene novine Federacije BiH", broj 109/12), Vlada Kantona Sarajevo, na 13. sjednici održanoj 11.03.2021. godine, donijela je

ODLUKU**O IZMJENAMA I DOPUNAMA ODLUKE O LISTI
LIJEKOVA KANTONA SARAJEVO**

I

U Odluci o Listi lijekova Kantona Sarajevo ("Službene novine Kantona Sarajevo", broj 43/18 i 48/18), u tački II podtačka a) i c) mijenjaju se i glase:

- a) lijekovi koji su sastavni dio važeće Odluke o Listi lijekova obaveznog zdravstvenog osiguranja Federacije Bosne i Hercegovine (u daljem tekstu: Federalna lista lijekova), kao i lijekovi koji se primjenjuju u zdravstvenim ustanovama i stacionarnim zdravstvenim ustanovama, a definisani su važećom Odlukom o Listi lijekova u bolničkoj zdravstvenoj zaštiti Federacije Bosne i Hercegovine (u daljem tekstu: Bolnička lista lijekova),
- c) lijekovi koji nisu obuhvaćeni Federalnom listom lijekova, kao i Bolničkom listom lijekova, a evidentirani su kao potrebni za liječenje osiguranih, a koje odobrava Komisija imenovana od strane ministra zdravstva Kantona Sarajevo (u daljem tekstu: ministar) saglasno mogućnostima predviđenim usvojenim Finansijskim planom Zavoda zdravstvenog osiguranja Kantona Sarajevo (u daljem tekstu: Zavod) za fiskalnu godinu."

II

U tački III podtačka b) mijenja se i glasi:

- b) Pozitivna B lista lijekova - lijekovi obuhvaćeni B listom lijekova sa Federalne liste lijekova, sa učešćem Zavoda u procentualnom iznosu određenom odlukom Vlade Kantona Sarajevo saglasno finansijskim mogućnostima kantona,".

III

U tački IV u stavu (7) riječi "Zavoda zdravstvenog osiguranja Kantona Sarajevo" zamjenju se riječju: "Zavod".

IV

U tački V u stavu (1) riječi: "ministra zdravstva Kantona Sarajevo (u daljem tekstu: ministar)" zamjenjuju se riječju: "ministar".

U tački V stav (2) mijenja se i glasi:

"(2) Izmjene i dopune ove odluke, odnosno izmjene Liste lijekova, kako u sadržaju, tako i u cijenama lijekova uvrštenih na Listu lijekova, vrše se na način i po postupku kako su i doneseni."

U tački V u stavu (3) riječi "Zavoda zdravstvenog osiguranja Kantona Sarajevo" zamjenjuju se riječju: "Zavod".

V

Tačka VI mijenja se i glasi:

"VI

(Komisija za stavljanje i skidanje lijekova na listu lijekova Kantona Sarajevo)

- (1) Ministar imenuje Komisiju za stavljanje i skidanje lijekova na listu lijekova Kantona Sarajevo (u daljem tekstu: Komisija).
- (2) Komisija se imenuje rješenjem ministra na period od jedne godine.
- (3) Komisija ima pravo na naknadu čiju visinu rješenjem određuje ministar.
- (4) Komisija se sastoji od maksimalno 7-9 članova i čine je istaknuti stručnjaci zdravstvene, farmaceutske, ekonomske i pravne struke.
- (5) U Komisiju se ne mogu imenovati stručnjaci koji su bili vezani za izradu stručnih mišljenja, farmakoterapijskih i farmakoekonomskih studija i drugih stručnih materijala i studija za proizvođače lijekova odnosno nosioce dozvole za stavljanje lijeka u promet koji podnose zahtjev za uvrštavanje lijeka/ova na listu lijekova, kao ni direktor Zavoda.
- (6) Komisija ima predsjednika i članove Komisije.
- (7) Predsjednik i članovi Komisije dužni su čuvati kao profesionalnu tajnu sve podatke koje saznaju tijekom obnašanja svoje funkcije predsjednika ili člana Komisije, pa i nakon prestanka funkcije.
- (8) Predsjednik i članovi Komisije prije početka rada potpisuju izjavu o čuvanju profesionalne tajne u smislu stava (7) ovoga člana i istu pohranjuju u Ministarstvu zdravstva Kantona Sarajevo (u daljem tekstu: Ministarstvo).
- (9) Komisija obavlja poslove i zadatke iz čl. 24, 25. i 26. Pravilnika o bližim kriterijima za izbor lijekova, postupku i načinu izrade listi lijekova u Federaciji Bosne i Hercegovine, načinu stavljanja i skidanja lijekova sa listi lijekova, obavezama ministarstava zdravstva, zavoda zdravstvenog osiguranja, te proizvođača i prometnika lijekova uvrštenih na liste lijekova, kao i korištenje lijekova ("Službene novine Federacije BiH", broj 45/13 i 7/19 - u daljem tekstu: Pravilnik o listama lijekova).
- (10) Komisija je za svoj rad odgovorna ministru.
- (11) Komisija donosi Poslovnik o radu kojim utvrđuje proceduru sazivanja i rada Povjerenstva, kao i način odlučivanja, na koji prethodnu saglasnost daje ministar.
- (12) Administrativne i stručne poslove za Komisiju obavlja stručna služba Ministarstva.
- (13) Odredbe stava (7) ove tačke shodno se primjenjuju i na uposlenike stručnih službi Ministarstva koji obavljaju administrativne i stručne poslove za Komisiju."

VI

Tačka VII mijenja se i glasi:

"VII

(Način apliciranja na Listu lijekova i rad Komisije po podnijetom zahtjevu)

- (1) Nosioci dozvole za stavljanje lijeka u promet podnose zahtjev za stavljanje lijeka na Listu lijekova na obrascu "KZ-2" sa dokumentacijom propisanom članom 20. Pravilnika o listama lijekova.
- (2) Obavijest o terminu početka i završetka podnošenja dokumentiranih zahtjeva nosioca dozvole za stavljanje lijeka u promet, u svrhu revizije listi lijekova se objavljuje na web stranici Ministarstva.
- (3) Dokumentaciji iz stava (1) ove tačke se dostavlja saglasno članu 21. Pravilnika o listama lijekova, i to po jedan primjerak u štampanoj formi, a jedan primjerak u elektronskoj formi ili putem web aplikacije Ministarstva, u rokovima predviđenim u obavijesti iz stava (2) ove tačke.
- (4) Pristup web aplikaciji se od strane Zavoda za informatiku Kantona Sarajevo osigurava predsjedniku i članovima Komisije.
- (5) Komisija vrši kontrolu blagovremenog i uredno dokumentiranog zahtjeva na način utvrđen članom 24. Pravilnika o listama lijekova.
- (6) Komisija blagovremene i uredno dokumentirane zahtjeve iz stava (1) ove tačke rješava u roku do najviše 60 dana od dana uredno primljenog zahtjeva, a u smislu člana 21. stav (4) Pravilnika o listama lijekova.
- (7) U roku utvrđenom u stavu (6) ove tačke Komisija utvrđuje prijedlog odluke o stavljanju lijeka na liste lijekova, odnosno prijedlog za odbijanje zahtjeva za stavljanje lijeka na listu lijekova, sa stručnim obrazloženjem i isti dostavlja ministru na nadležno postupanje".

VII

U tački X stavovi (3) i (4) mijenjaju se i glase:

- "(3) Prilikom postavljanja ograničenja za korištenje lijekova sa liste lijekova, uz ograničenje se obavezno navodi stručna literatura iz koje je preuzeto ograničenje, a iste daje Ministarstvo na prijedlog stručne komisije imenovane od ministra koju čine istaknuti stručnjaci iz određenih specijalističkih djelatnosti koji imaju iskusto u primjeni lijekova za koje se postavlja ograničenje.
- (4) Tumačenje za postavljanje ograničenja u primjeni lijeka sa Liste lijekova daje Ministarstvo, na prijedlog stručne komisije iz stava (3) ove tačke."

VIII

U tački XI u podtački (2) umjesto interpunkcijskog znaka tačka stavlja se interpunkcijski znak zarez i dodaju se riječi " i člana 11. Pravilnika o listama lijekova."

IX

U tački XII stavovi (2), (5) i (7) mijenjaju se i glase:

- "(2) Cijene iz stava (1) ove tačke ne mogu biti više od cijena lijekova sa Federalne liste lijekova usklađenih sa maksimalnim veleprodajnim cijenama koje objavljuje Agencija za tekuću godinu, a što utvrđuje Komisija, a razmatra i usvaja Vlada Kantona Sarajevo na prijedlog ministra.
- (5) Obavezuje se Zavod da za lijekove iz stava (3) ove tačke utvrdi najpovoljniju cijenu na osnovu ponuda ugovornih apoteka koje izrađuju magistralne i galenske pripreme.
- (7) Zavod je u obavezi da postupak utvrđivanja cijena iz stava (3) i (4) ove tačke okonča najkasnije 30 dana od dana stupanja na snagu ove odluke i dostavi Ministarstvu prijedlog cijena sa pratećom dokumentacijom."

X

- U tački XXIII stavovi (5), (6) i (7) mijenjaju se i glase:
- "(5) Nestašicu lijeka na tržištu Bosne i Hercegovine utvrđuje Ministarstvo na osnovu obavijesti zaprimljenih od proizvođača lijekova/distributera koji ugovorno zastupaju proizvođače lijekova i o tome obavještava ugovorne ljekare i ugovorne apoteke.
- (6) Proizvođači lijekova/distributeri koji ugovorno zastupaju proizvođače lijekova, u slučaju povlačenja lijeka iz prometa, odnosno nestašice lijeka koji se nalazi na Listi lijekova dužni su postupati na način reguliran članom 27. Pravilnika o listama lijekova.
- (7) Ministarstvo može utvrditi nestašicu lijeka i na zahtjev ugovorne apoteke, u kojem apoteka potvrđuje da u periodu od 30 (trideset) dana nije bila u mogućnosti nabaviti lijek od registriranih veleprometnika lijekova i medicinskih sredstava u Bosni i Hercegovini."

XI

Tačka XXIX mijenja se i glasi:
"XXIX.

(Promjene Liste lijekova)

- (1) Ukoliko tokom primjene Liste lijekova dođe do promjene sadržaja ili cijena lijekova utvrđenih u Listi lijekova obaveznog zdravstvenog osiguranja Federacije Bosne i Hercegovine, odnosno sadržaja Odluke o listi lijekova u bolničkoj zdravstvenoj zaštiti Federacije Bosne i Hercegovine, pristupa se usklađivanju na način i u rokovima utvrđenim federalnim odlukama.
- (2) Usklađene Liste lijekova u sadržaju i cijenama lijekova, na prijedlog ministra, usvaja Vlada Kantona Sarajevo, saglasno svojim nadležnostima iz člana 8. Zakona o lijekovima."

XII

Ova odluka stupa na snagu narednog dana od dana objave u "Službenim novinama Kantona Sarajevo".

Broj 02-04-7957-7/21
11. marta 2021. godine
Sarajevo

Premijer
Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 23. i 36. Zakona o izvršavanju Budžeta Kantona Sarajevo za 2021. godinu ("Službene novine Kantona Sarajevo", broj 5/21), Vlada Kantona Sarajevo, na 11. sjednici održanoj 08.03.2021. godine, donijela je

**PROGRAM
UTROŠKA SREDSTAVA TEKUĆIH TRANSFERA
UTVRĐENIH BUDŽETOM KANTONA SARAJEVO ZA
2021. GODINU MINISTARSTVA PRAVDE I UPRAVE**

Ovim Programom vrši se raspodjela sredstava unutar zbirnih pozicija tekućih transfera utvrđenih Budžetom Kantona

1. Tekući transferi drugim nivoima vlasti i fondovima (ekonomski kod 614100, subanalitika CAL007, funkcija 036F)

Red. br.	Naziv programa	Svrha programa	Korisnici sredstava	Kriteriji za raspodjelu sredstava	Izvor 10 - (budžetska sredstva) u KM
1.	Transfer Agenciji za državnu službu FBiH	Provođenje procedura zapošljavanja državnih službenika, organizacija i realizacija obuke državnih službenika, organizacija edukacije kandidata za polaganje ispita koji predstavlja uslov za rad u organima državne službe Kantona, Grada i općina, Agencija za državnu službu Federacije Bosne i Hercegovine	Agenciji za državnu službu FBiH	čl. 67. stav (1) i čl. 68. stav (1) Zakona o državnoj službi u Kantonu Sarajevo ("Službene novine Kantona Sarajevo", br. 31/16 i 45/19)	15.000,00
2.	Transfer	U drugom stepenu odlučuje se o svim žalbama koje se izjave na rješenja	Odbor za	član 69. stav (1) Zakona o državnoj	15.000,00

ODLUKU

**O USVAJANJU PROGRAMA UTROŠKA SREDSTAVA
TEKUĆIH TRANSFERA UTVRĐENIH BUDŽETOM
KANTONA SARAJEVO ZA 2021. GODINU
MINISTARSTVA PRAVDE I UPRAVE**

I

- (1) Usvaja se Program utroška sredstava za:
- "Tekući transferi drugim nivoima vlasti i fondovima" - ekonomski kod 614100, subanalitika CAL007, funkcija 036F;
 - "Savez nacionalnih manjina Kantona Sarajevo" ekonomski kod 614300, subanalitika CAL005, funkcija 036F;
 - "Subvencije javnim preduzećima - JP Televizija Kantona Sarajevo" - ekonomski kod 614400, subanalitika CAO002, funkcija 083F;
 - "Drugi tekući rashodi" - ekonomski kod 614800, subanalitika CAS004, funkcija 036F,
- utvrđenih Budžetom Kantona Sarajevo za 2021. godinu, razdjel 12 - Ministarstvo pravde i uprave Kantona Sarajevo ("Službene novine Kantona Sarajevo", broj 5/21).
- (2) Program utroška sredstava iz stava (1) ove tačke čini sastavni dio ove odluke.

II

Sredstva utvrđena u Programu iz tačke I ove odluke raspoređena su prema kriterijima za raspodjelu sredstava po tekućim transferima utvrđenim za svaki potprogram posebno.

III

Ministarstvo pravde i uprave Kantona Sarajevo će pratiti namjenski utrošak sredstava iz tačke I ove odluke.

IV

Ministarstvo pravde i uprave Kantona Sarajevo podnosiće izvještaj o utrošenim sredstvima Ministarstvu finansija Kantona Sarajevo, u skladu sa Zakonom o izvršavanju Budžeta Kantona Sarajevo za 2021. godinu.

V

Za realizaciju ove odluke zadužuje se Ministarstvo pravde i uprave Kantona Sarajevo i Ministarstvo finansija Kantona Sarajevo, svako u okviru svoje nadležnosti.

VI

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-6490-5/21
08. marta 2021. godine
Sarajevo

Premijer
Edin Forto, s. r.

Sarajevo za 2021. godinu na razdjelu 12 - Ministarstvo pravde i uprave Kantona Sarajevo za programe i projekte kako slijedi: